



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-031-4/25**
Datum: **14.02.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „BALEGEM“ d.o.o. Gradačac, za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju asfalta - asfaltna baza sa pratećim objektima i sadržajima, izgrađena na zemljištu označenom kao k.č. 7/1, 7/2 K.O. Donje Ledenice, Grad Gradačac, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

Odbija se zahtjev pravnog lica „BALEGEM“ d.o.o. Gradačac za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju asfalta- asfaltna baza sa pratećim objektima i sadržajima, izgrađena na zemljištu označenom kao k.č. 7/1, 7/2 K.O. Donje Ledenice, Grad Gradačac, kao neosnovan, jer nisu ispunjeni uslovi propisani rješenjem o vodnoj saglasnosti, a koji su bili uslov za izdavanje rješenja o vodnoj dozvoli.

O b r a z l o ž e n j e

Pravno lice „BALEGEM“ d.o.o. Gradačac dana 17.01.2025. godine, podnijelo je, ovoj Agenciji, zahtjev za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju asfalta- asfaltna baza sa pratećim objektima i sadržajima, izgrađena na zemljištu označenom kao k.č. 7/1, 7/2 K.O. Donje Ledenice, Grad Gradačac.

Uz zahtjev za izdavanje rješenja o vodnoj dozvoli dostavljena je i pregledana slijedeća dokumentacija:

A. Opšta dokumentacija:

- Rješenje o izmjenama podataka, broj:032-0-Reg-22-000981 od 27.07.2022. godine izdato od strane Općinskog suda u Tuzli - ovjerena kopija,
- Uvjerenje o poreznoj registraciji od 03.11.2016. godine izdato od strane Kantonalnog poreznog ureda u Tuzli - ovjerena kopija,
- Uvjerenje o registraciji/upisu u Jedinostveni registar obveznika indirektnih poreza, broj:04/I-UPP/1-8810/07 od 01.08.2007. godine izdato od strane Uprave za indirektno oporezivanje Banja Luka - ovjerena kopija,
- Punomoć podnosioca zahtjeva, broj:4-2-201/21 od 01.10.2021. godine,
- Rješenje o odobrenju za građenje, broj:12-04/1-19-032605/21 od 24.05.2023. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Rješenje o vodnoj saglasnosti, broj:04/1-11-21-152/22 od 26.05.2022. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Rješenje o vodnoj saglasnosti, broj:UP-1/21-2-40-520-5/21 od 22.11.2021. godine izdato od strane Agencije za vodno područje rijeke Save, Sarajevo – kopija,
- Elaborat o ispitivanju kvantitativnih i kvalitativnih karakteristika efluenta sa programom praćenja stanja voda (monitoring) i rezultatima monitoringa za Balem d.o.o. Gradačac urađen od strane Instituta za hemijsko inženjerstvo Tuzla, oktobar 2021. godine – kopija,
- Rješenje o urbanističkoj saglasnosti, broj:12-04/1-19-024128/20 od 08.10.2020. godine izdato od strane Ministarstva prostornog uređenja i zaštite okolice – kopija,

- Situacija sa ucrtanim položajem objekata, broj:12-04/1-19-024428/20 od 08.10.2020. godine izdata od strane Ministarstva prostornog uređenja i zaštite okolice – kopija,
- Rješenje o okolišnoj dozvoli, broj:UPI 05/2-23-11-204/17SN od 04.04.2018. godine izdato od strane Federalnog ministarstva okoliša i turizma – kopija,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija:

- Glavni projekat objekta asfaltne baze na k.č. br. 7/1 i 7/2 K.O. Ledenice Donje, Grad Gradačac urađen od strane „ING BIRO“ d.o.o. Tuzla, broj: 77-VI/21, juni 2021. godine,
- Glavni projekat prikupljanja, tretmana i odvođenja otpadnih voda sa lokaliteta poslovnog objekta- asfaltne baze u Gradačcu, reg. br. 10-81/18, broj protokola: 2734/18, august 2018. godine urađen od strane „TQM“ d.o.o. Lukavac.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata, izvršen je obilazak predmetnog objekta i tom prilikom je sačinjen Zapisnik o uviđaju broj:UP-1/21-3-40-031-2/25 od 12.02.2025. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

- Parcela na kojoj je izgrađena asfaltna baza sa svim sadržajima nalazi se u naselju Donje Ledenice, Grad Gradačac, sa desne strane lokalnog puta u Donjim Ledenicama. Predmetne parcele čine katastarske čestice označene kao k.č. 7/1, 7/2 K.O. Donje Ledenice, pod nazivom "Bara", sa ukupnom površinom $P=14.714,00 \text{ m}^2$. Kapacitet asfaltne baze iznosi 120 t/h, tip AMMANN MEA 120-5/6.
- Tehnološki proces proizvodnje asfalta sastoji se iz sljedećih operacija: predoziranje, sušenje, odprašivanje, zagrijavanje, prosijavanje, vaganje, miješanje (bitumen, filer i aditivi), skladištenje, utovar-transport do kupca.
- Tehnološki proces proizvodnje asfaltne baze obuhvata proizvodnju bitumenskog konglomerata (asfalta). Asfalt je vruća mješavina mineralnih agregata, punjenja (filera) i bitumena te po potrebi dodavanje aditiva.
- Za svaki tip (vrstu) bitumenskog konglomerata propisana je receptura koja se ubacuje u automatski sistem. Sistem proizvodnje je automatski sa nadzorom iz kontrolne sobe.
- Tip postrojenja je prekidni, što znači da nakon svakog miješanja mješalica - mikser isporučuje finalni proizvod. Pogon za proizvodnju asfalta sastoji se od dozatora (spremište za hladni materijal), ulazne transportne trake i transportnih traka za opskrbu filerom i vezivnim sredstvom, rotacione sušare, tornja sa elevatorom, vibracionim sitima i vagama i mješalicom, silosima za filer, bitumen i miješani materijal te kabine za upravljanje procesom.
- Bitumen se u bazu dovozi cisternama i skladišti/pretače u rezervoare. Instalirana su 2 rezervoara ($2 \times 50 \text{ m}^3$) za skladištenje bitumena (sa reguliranim grijanjem, nepropusni i toplinski izolirani). Za zagrijavanje kamenih agregata i termičkog ulja koje zagrijavaju bitumen koristi se nafta i lož ulje koje se deponuje u tanku zapremine $V= 50 \text{ m}^3$. Na terenu su instalirana ukupno 3 rezervoara, tankvane nisu izgrađene.
- Skladištenje aditiva (praškasta komponenta) se vrši u silosu.

Za predmetnu asfaltnu bazu je od strane Agencije u prethodnom postupku izdato Rješenje o vodnoj saglasnosti broj:UP-1/21-2-40-520-5/21 od 22.11.2021. godine. Rješenje je izdato na projektnu dokumentaciju: Glavni projekat prikupljanja, tretmana i odvođenja otpadnih voda sa lokaliteta poslovnog objekta - asfaltne baze u Gradačcu, reg. br.10-81/18, broj protokola:2734/18, august 2018. godine urađen od strane „TQM“ d.o.o. Lukavac.

Vlasnik odnosno korisnik objekta asfaltne baze je bio obavezan da ispuni uslove iz predmetnog rješenja tj. da radove na izgradnji objekata za prikupljanje, prečišćavanje i ispuštanje tehnoloških otpadnih voda sa platoa za pretovar asfalta, platoa za pranje mehanizacije, pretakališta nafte i naftnih derivata, pretakališta i skladišta bitumena, oborinskih voda sa platoa za skladištenje frakcija agregata, čistih oborinskih voda sa krovova te sanitarnih otpadnih voda izvede u skladu sa ovjerenom projektnom dokumentacijom, navedenoj u tački 1. dispozitiva predmetnog Rješenja.

U toku uviđaja izvršenog dana 12.02.2025. godine utvrđeno je da investitor nije postupio po zahtjevima iz rješenja o vodnoj saglasnosti tj. da na terenu nije izgradio objekte i sadržaje u skladu sa ovjerenom projektnom dokumentacijom na koju je isto izdato rješenje.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena vodna dozvola, pa je riješeno kao u dispozitivu ovog Rješenja.

Kako podnosilac zahtjeva nije ispunio uslove koji su određeni vodnom saglasnošću, a koji su bili uslov za izdavanje vodne dozvole, na osnovu člana 116. stav 2. Zakona o vodama i člana 200. stav (1) Zakona o upravnom postupku, riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Prilog: (Tehnička dokumentacija navedena pod tačkom B. obrazloženja rješenja).

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- „Balegem“ d.o.o.
- Ul. VI bataljona bb 76250 Gradačac, (sa prilogom),
- ⊖ AVP, ISV – Vodna knjiga
- Sektor 40, arhiva
- Oglasna ploča, AVP Sava